

THE UNIVERSITY OF CHICAGO

CHICAGO, ILL.

定平定雲南回國方略卷十一 辛酉年

八月初一日丁巳前任雲貴總督張亮基奏言接

雲南來信新任陝西撫臣鄧爾恆在曲靖府被

戕傳聞係候補副將何有保之練並有撫臣徐

之銘主使等語伏念何有保賦性驕率臣去年

道經馬龍勉以忠義該副將感激涕零今臣離

滇數月何以肆行無忌一至於此查撫臣徐之

三才圖會卷二
銘素惡鄧爾恆剛正無私每至遇事齟齬今鄧
爾恆在曲靖遇害若非徐之銘暗中授意該練
雖暴何敢擅殺封疆大吏請

旨飭下雲貴督臣嚴行查訊究辦庶足以肅

國紀而快人心奏入

上命軍機大臣傳諭福濟曰據張亮基奏鄧爾恆在曲
被戕傳聞係候補副將何有保之練並有撫臣徐

之銘主使等語徐之銘前次鄧爾恆係行次曲靖被賊行竊拒傷身死嗣又奏稱風聞別有情由茲閱張亮基所奏若非徐之銘暗中授意該練等何敢擅殺封疆大吏此事情節種種可疑著福濟到任後卽秉公詳察鄧爾恆被害確情據實具奏

九月初七日

壬辰

徐之銘奏言雲南尋甸州屬柯

渡爲尋甸東川進省要路白回逆踞住海口尋

旬進踞澱江以及柯渡八甲於附近之魯泗魯
西沖各要隘聯絡紮營阻遏驛道本年三月飭
臨元鎮總兵何自清酌派守備邵其書等分往
勦辦賊匪馬老三等率衆迎敵何自清親率兵
練截斃賊日乘勝跟追殺賊三百餘名立將魯
泗魯西沖賊營拔毀十三日設伏誘敵僞帥馬
應東率黨出戰猝被何自清矛斃各路伏練齊

出又斃賊匪三百餘名十六日逆首桂秉中等
弟兄六人傾巢出陣何自清飭林忠張洪邵其
書等分起迎敵陣斬賊匪一百餘名賊隊驚潰
立將桂秉中等六人殺斃並斃賊黨六百餘名
可郎等處營壘全行踏毀賊盡退入柯渡其時
昆陽賊勢鴟張何自清回省籌辦酌留邵其書
等相機攻剿六月初三日邵其書管帶兵練及

投誠之畢雲章等逼近柯渡殺賊八十餘名連
破賊營四座並將法及村等處賊寨攻克殺賊
三百餘名餘匪俱竄朵丹賊營邵其書挑派勁
練分路攻勦初八日攻毀朵丹等處賊營殺賊
三千餘衆當將柯渡老巢克復餘賊竄歸八甲
七月初四日由七甲進兵斃賊八十餘人並斃
僞帥蘇小老等多名賊奔八甲各兵練奮勇齊

進殺賊無算立將八甲克復現在柯渡至八甲
村寨胥就肅清查回逆盤踞柯渡八甲數年以
來時出滋擾茲經何自清等將積年踞賊一律
肅清均屬著有微勞可否懇

恩俯准獎勵以昭激勸奏入

上諭內閣曰雲南尋甸州屬柯渡八甲爲回匪歷年久
踞賊巢本年三月總兵何自清帶兵將魯洒各處賊

壘攻毀六月閒守備邵其書等督帶兵練先將法及
村等處賊寨攻破旋將柯渡老巢克復七月初四日
進攻八甲賊巢立即攻克各村寨一律肅清辦理尙
爲得手守備邵其書著免補都司以遊擊用回目畢
雲章著以千總拔補並賞加守備銜賞戴藍翎升用
守備林桂祥等均著免補守備以都司用把總張其
高等均著免補千總以守備升用並賞加都司銜外

委張得功等均著以千總拔補並賞加守備銜候補
知縣楊豫太著以知州用並賞戴藍翎候選同知直
隸州知州楊浦著俟選缺後以知府升用候選知縣
劉廷銓著以同知選用其請保之林忠李廷瑞蕭在
廷李鈞華桂通燕五員仍著福濟於到任後查明前
保之案再行請旨

初九日
甲午張亮基奏言滇省回禍未弭練禍又

起近聞省垣迤東一帶散練滋擾搶劫行旅戕
害官長臣憂心如熾恨不能及時奮飛惟捐照
未到不能籌費無從募練各委員已札知等候
照到星速解赴鶴峯臣先將楚省應辦捐務及
募練等事分派妥貼卽行赴四川重慶一帶辦
理應請

飭部速頒捐照以便籌資募練迅速赴滇奏入

上命軍機大臣傳諭張亮基曰前因滇省軍務緊要曾經奉

旨令張亮基俟病體稍愈卽赴雲南幫辦安撫回衆事

宜本日據張亮基奏報現在鶴峯州專候部頒捐照奉到卽赴湖南籌費募練再行赴滇雲貴總督現已簡放福濟屢經催令赴任張亮基著毋庸前往雲南湖北四川地方疊經勸捐張亮基請飭戶部頒給捐

照之處著毋庸議該部前發執照著卽繳回已捐銀
兩就近交湖北巡撫收支張亮基俟病體痊愈卽來
京另候簡用

十一月初九日 癸巳 徐之銘奏言祿豐縣爲迤西

賊匪竄省要路經 臣 咨請署提督申有謀統帶

兵練駐紮該處九月十八日據該署提督函稱

楚雄定遠賊匪分三股攻撲祿豐 臣 卽飭翼長

臨元鎮總兵林自清統兵往援中途聞祿豐已陷轉戰而前連破賊營三十餘座茲據稟稱申有謀在祿豐駐紮之時放縱兵練勒捐米石地方紳民怨恨至賊分股撲城距城尙有二十餘里之遙卽先行出城逃遁回省迨回省後猶復日索銀兩開發從前兵練費用相應據實奏參懇將署提督申有謀交新任督臣福濟懲辦俾

帶兵各員咸知儆畏

徐之銘又奏言滇省逆回於尋甸屬之易隆各處驛站紮立連營時出滋擾以致文報阻滯商旅戒嚴本年三月克復海口柯渡八甲各處賊巢後臣飭何有保相機攻勦據報何有保親統兵練棟派都司任仕斌等分帶兵練斷絕該匪糧路阻遏霑宜援應各匪七月二十七八等日

次第攻毀連營十餘座賊勢已蹙何有保統帶
精壯兜圍攻撲將該匪先鋒賊營攻破連踏賊
營三十餘座隨於八月初六日將易隆賊巢攻
開殺斃賊匪無算餘匪竄歸羅冲尋甸州城查
逆回占踞易隆幾及五年文報餉鞘均須繞道
行走大爲驛站地方之患茲經何有保督兵攻
勦驛站要道漸就疏通洵屬勦辦出力可否邀